



29. januar 2018

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara:

Naalackersuisunut apeqqutit:

1. Aningaasartuutimmita qanoq amerlatigissappat Tasiilami helikopterinit mittarfik qullilersorneqartuuppat Air Greenland Kulusummi mittarfiup Tasiilamilu Heliportip akornanni taartumi ilaasunik timmisartuussisalersinnaaqullugu?

2. Tasiilami heliportip qullilersorneqarnissaa Naalackersuisut sallinnortikkusunnerlugu massakkut imaluunniit 2019-mut Aningaasanut Inatsisissamut atatillugu? Itigartitsisoqassagalarpat tamatuma sukumiisumik tunngavilersorneqarnissaa kissaatigaara.

3. Naalackersuisut oqaatigisinnaanerlugu Tasiilami heliportimut Tasiilamilu heliportimiit timmisartuussinerit pitsanngorsarniarlugit suliniutit allat suut aallartissamaarnerlugit?

4. Sulimut tunngatillugu soqutiginarsinnaasunik allanik Naalackersuisut paasissutisiisinnaanerlutik?

(Inatsisartunut ilaasortaq Justus Hansen, Demokraatit)

Tunngavilersuut

Isertuunneqarsinnaatunangilaq Tunumi ilaasunik angallassinikkut pitsanngorsaaniarlutik Naalackersuisut iliuusaat suunngilluinnangajammata. Tamanna uangutsinnut Tunumi najugaqartunut pakatsinarluinnarpoq.

Isumaqarpungali isumassarsivigisimallugu aningaasat ikittuinnannguit atorlugit Tasiilami Heliportimut Tasiilamiillu Heliportimiit timmisartuussineq pitsanngorsarneqarsinnaanersoq, Tasiilami innuttaasunut tamanut nuannaarutaasussamik aamma allanut Tasiilamukartussanut.

Tasiilami Heliportimi qullilersuisoqartuuppat timmisartuussineq periarfissagissaarnerulissagalarpoq, taamaalillunilu qularnaarneqarluni ilaasut siumut utimullu timmisartuunneqartarnissaat. Aamma tamatuma kinguneranik Kulusummi Tasiilamilu kanngilluni immikkut unnuisariaqartarnerit pisariaarutissagalarput.

Apeqquutinnut akissutit ullut suliffiit naliginnaasut qulit iluanni tigunissaannut qilanaarpunga.